



Te Kura Kaupapa Māori o
NGĀ MOKOPUNA

Matāpono o Te Wiki: TE AO (4.5)

Kia tupu te miharo o ngā tamariki ki ngā mea ora, ki ngā mea
tupu katoa. Kia kaua e tukinotia.

Te Matoe o te Reo!

Pānui ā-Kura
10/11/2020

*Ko te Aho Matua te tāhuhu o tōku whare. Ko te reo, me ōna tikanga ngā heke whakamau.
Ko te whanau, te whanaungatanga nga pou.*

Tēnā koutou e te whānau whānui o TKKM o Ngā Mokopuna,

Hei tēnei Rāhoroi, te 14 o Whiringa ā-Rangi, kei te tū te hui 'Te Matoe o te Reo' ki Te
Wharewaka o Pōneke. Ka tīmata i te 9am i te ata, ā, ka mutu hei te 4:30pm i te ahiahi.

Kei te haere atu ētahi whānau o te kura ki tēnei hui ki te whakakanohi i a mātou o te kura,
hei tautoko hoki te kaupapa whakaharahara nei ki a tātou te iwi Māori. Ko Matua Te Hauora
tētahi e haere atu ana hei kaiako mō te kura.

Kua whai wāhi te kura ki te tū, ki te waiata, ki te haka atu ki te hunga ka tae atu. Ko te wā ki
a tātou kei waenganui i te 9am ki te 10am. Kei te hiahia kia tae atu ētahi o ngā ākonga o te
kura ki te tautoko mai i te kaupapa nei. Me mau kākahu kura pai hei whakakanohi i te kura i
mua i te aroaro o te tini me te mano.

Nō reira, ka tūtaki atu ki Te Wharewaka o Pōneke i mua tonu i te 9am, ki te whakariterite i a
mātou anō.

He kaupapa nui whakaharahara tēnei kia
taea ai e ngā ākonga te rongō ki ngā
kōrero o tēnā me tēnā tāngata, otirā, te
kapo ake i ētahi āhuatanga, wheako hou.
Kāore hoki he utu.

Nō reira, hei whakarāpopoto ake:

- **Kaupapa:** Te Matoe o te Reo
- **Wāhi:** Te Wharewaka ki Pōneke
- **Wā:** 9am - 4:30pm (ka tūtaki i
mua i te 9am)
- **Kaiako:** Matua Te Hauora
- **Ngā Waiata:** 1. Ngā Mokopuna, 2.
He Karere, 3. Tōia Mai, 4. Te Aho
Matua (haka), 5. Te Ira Tangata



Maramataka

Te Rā:	Te Wā:	Kaupapa:	He Whakamaumahara:
14.11.2020	I mua i te 9am	Te Matoe o te Reo	Titiro ki te pānui nā Matua Te Hauora
16.11.2020			NCEA- TRR Taumata 1
17.11.2020	Hei te ata		ASB Hākinakina (Wharekura)
18.11.2020	Hei te ahiahi		Parakatihi mō te Poiuka
19.11.2020	Hei te ata	Kauhoe	Ki Kilbirnie Aquatic Centre
20.11.2020	Hei te ahiahi 6pm	Kaihautu hui	Parakatihi mō te Poiuka



Te Toa Hokohoko o Taiohi Tuakana

Arai Kanohi

Rāapa 23 o Mahuru 2020.

**Nau Mai Haere ki te panui
Hokohoko o te akomanga
Taiohi Tuakana**


I hangaia e mātou ngā Ārai Kanohi hei hoko atu ki te whānau whānui o Ngā Mokopuna. Nā mātou te akomanga Taiohi Tuakana i waihanga me te ringa āwhina o Whaea Sylvia. He akoranga hangarau tēnei, he kohinga moni hoki mo to mātou haerenga a-akomanga i te mutunga tau nei.

E maha nga tae rereke o ngā Arai Kanohi he **Waiporoporo**, **Kahurangi**, **Koura**, **Kāhāriki** me ētahi atu tae rerekē. Ko te tuatahi ka waimarie, tuku mai te putea ki te kura.

**Ko te rahi - SM (kōhungahunga)
M (taiohi)
L (pakeke)**

\$5.00










Arai Kanohi





Hare Pota

I tēra wiki i haere a Matua Byron me
Whaea Kahu Rangi ki Tāmaki mō te
kaupapa Hare Pota.

Mīharo ake nei!



Kiritoa - Gryffindor

Rawekoi - Ravenclaw

Nanakita - Slytherin

Hahupahu - Hufflepuff

Pao o te kura iti o Hōwata

Nō koutou te ao e hika mā, tuhura te ruānuku
Ko Hare Pota te puka tahi, hei whākakipā E
He koi, arā, kerewa tiki ai, He mārō tō wānanga kai,
Inā, te whare makatea, I riro ai te pae,

Hōwata Hi!

Rawekoi Hā!

Maramataka – Google Calendar



- Kia mōhio mai, kua irihia ngā kaupapa ō te kura ki te whārangi ipurangi ō te kura nei
- Kei te wāhi ō Kura Pae ēnei kaupapa

Toku Hopuni rawe

I te Rāhina 2 o Noema i haere a tau 8-7 rātau ko tau 6-5 Ki te Hopuni ki El rancho. I eke mātau i te pahi, i mātakitaki kiriata mātau, i pai. I tae mātau ki kōnā, i whakarite i ngā ruma, kātahi ka eke wakatere a tau 6 tuatahi i rawe ki a mātau katoa, ahakoa i matakū ētahi. Arā i eke tōnati wira ki te awa i pai engari i āhua makariri. Katahi whai muri i kai mātau i tino reka te kai.

I tino rawe tōku haerenga ki El Rancho, i mīharo kia mātou katoa, i harikoa rawa ahau nō reira ko tērā tōku hopuni rawe atu rawa.

Nā Hemaima-te-wai Macdougall
11.10.2020 :-)



Te hopuni

I te Rāapa 4 o Noema

i harikoa au nā te mea i te mahi mātou i te kōpere ngohengohe i roto ngā kaiako i ngā ropu i tino pai te whakataetae. Ko ngā rōpu ko ngā tama ki ngā kōtiro. I whiwhi ngā kōtiro ia Matua Darcy i whiwhi ngā tama ia Matua Te Hauora. I tino rawe te whakataetae.

I tino rawe toku mahi, tōku haerenga hoki ki El ranchos. I hīkaka au mo ngā mahi katoa ki El rancho.

Nā:Katana
Tau:6



Te Rātū i haere mātou katoa ki te kanikani ki roto i te hōro tuatahi i tākaro mātou he kemu e pā ana ki ngā tūru whai muri i tērā i hanga mātou he kanikani a hapū kātahi i mahi mātou ngā kararehe. I tino pai taku noho ki kōrā.



TE HAERENGA KI EL RANCHO

I pai te mahi kōpere i tiki ahau i te wāhanga kōwhai kātahi
i pū au i te pōro poiwhana, i wero ahau i te wāhanga mā
me te whero.

I pai rawa ahau, i rawe rawa atu!

Te Kahika Maladina



Te Ao
Rangi!

TE HAERENGA KI EL RANCHO

I haere mātou ki te eke waka tere, i tukituki i te ua e toru ngā wā, i koretake tērā,
ā muri i tera i haere au ki runga i te waka kōwhai, kore au i tuki pērā ki te waka tua 1
whai muri tera i hoki ki te tīni mō te puna waikaukau.

I haere matou ki te eke wīra wai i taka au i te wai. I makariri au, tino makariri.
I oti te eke wai wīra ā muri i tērā i hiki mātou ki te whare, i tīni kākahu au.
Haere au ki te mahi kōpere.

I mahi i te kake pakitara. I mahi au i te pakitara tua 1 me te pakitara tua 2 me te
pakitara tua 3.

Nā Preston



Katana e kōreti ana
Mīharo!



Haerenga ki El Rancho

I te Mane 2 o Whiringa-ā-rangi 2020 i haere ngā taohi tau 5,6,7,8 ki El Rancho. I wehe mātou i te kura i te 10:00 karaka kātahi i tae atu ki El Rancho i te 11:00. Kātahi ka haere mātou ki te whiriwhiri i o mātou hoa, o mātou ruma hoki ko tōku hoa ko Katana, kātahi mātou ka timata i ngā mahi, i te tuatahi i haere ngā tau 5 ki te eke wira wai, i mahi ngā tau 6 i ngā waka tere, i mahi ngā tau 7,8 i te kōpere kātahi ka huri ka mahi ngā akomanga katoa i ngā mahi i tērā rā.

I tino tino tino tino tino tino tino tino tino pai
Te haerenga ki El Rancho

Nā Te Ao Rangi Tawhara 11.11.2020 (:



Tōku haerenga ki te hopuni

Ko taku mahi ko te mahi eke pakitara. I timata i te 12:30pm i oti i te 1:30. I tino hikaka ahau nā te mea i tino nui te pakitara. Tuatahi i mahi ahau i te mahi māmā kia pai ake āku mahi piki pakitara. Tuarua i haere ahau ki te wāhi uava rawa mā te mahi piki pakitara. I tino uava i te mea ko taku wā tuatahi, engari i taku wā tuarua, i piki ahau tae noa ki te wāhanga whakamutunga kātahi i oti mātou ngā tau 6.

I tino hikaka i tino pai te hopuni ki ahau.

Na Sonny Rangimarie Tau=6

